



10. april 2014

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

**Apeqquq Naalakkersuisut kalaallinut inuiaqatigiinnut attuumassuteqarneq pillugu:**

- 1. Inatsimmi, malittarisassani il.il. ullumikkut atuuttumi najugaqarnermut attuumassuteqarnermullu atatillugu piumasaqaatit qassit atuuppat aamma sorpiaat piumasaqaataappat? Akissummut ilanngunneqakuttoorsinnaapput kisitsisit atorlugit paasisutissiissutit tulleriaakkaat, inatsisinut malittarisassanullu pisuni ataasiakkaani innersuussutitalerlugit.**

(Inatsisartunut ilaasortaq Michael Rosing, Demokraatit)

**Tungavilersuut:**

Iluamik paasisassaangilaq inuiaqatigiinnut qanoq ilinerani tamakkiisumik ilannguttoqarsinnaanersoq. Pissutaavoq inuiaqatigiit inatsisaasa malittarisassaasalu ilaannut malittarisassaqarmat attuumassuteqarnissamut, aalajangeeqataasartumik inuup qanoq inuiaqatigiinnut attuumassuteqartigineranut taamaasillunilu allatulli innuttaasutut pisinnaatitaaffeqarnissaanut.

Tamanna takuneqarsinnaavoq Kommuninut Inatsisartunullu qinersisnaatitaaneq pillugu malittarisassani, ilinniarnersiutisiaqalersinnaanermut malittarisassani, inissarsiortut meeqqerivinnullu utaqqisut allattorsimaffianiilersinnaanermut malittarisassani, piniarnermut allagartartaarnissamut malittarisassani il.il. Qulaaniittup apeqqutigineratigut attuumassuteqarnissamut piumasaqaatit tamakkiisut takorusuppakka.

Kissaateqarninnut pissutaavoq Inatsisartunut siunnersuuteqalersaarnera kalaaliunermut ilisarnaammik allagartaqalernissatsinnut, ersarissumik nassuiaaserlugu, nunami maani najugaqartugut. Kalaallit ilisarnaataannik peqaraanni taava pisinnaatitaaffiik tamarmik pineqarsinnaalissapput.

Kalaaliunermut ilisarnaatip taamaasilluni allaffissornersuaq millisassavaa qularnaarlugulu innuttaasut assigiimmik pineqalernissaat. Ilisarnaatip ataasiakkaanut allaffinnullu ajornaannerulersissavaa takussallugu kina qinersisnaatitaanersoq, kiap qitornani meeqqerinnut allatsissinnaaneraa, kina piniarnermut allagartartaarsinnaanersoq il.il.

Apeqquq akeqquneqarpoq allakkap tiguneraniit ullut suliffiit naliginnaat qulit iluanni.